

## Эргаш Фозилов (1933-2014)



Эргаш Исмоилович Фозилов 1933 йил 10 мартда Тошкент областининг Янгийўл шаҳрида ишчи оиласида туғилди; 1952 йилда райондаги Алишер Навоий номидаги ўрта мактабни (олтин медаль билан), 1957 йилда М. В. Ломоносов номидаги Москва Давлат университети ва шу университет қошидаги Шарқ тиллари институтини тугатди. Талабалик йилларида акад. В. В. Виноградов, СССР Фанлар академиясининг мухбир аъзоси Н. К. Дмитриев, проф. Н. А. Баскаков, проф. Э. В. Севортян, проф. Т. М. Гранде, проф. А. А. Ковалев каби йирик шарқшунос олимлардан таълим олди. 1957—60 йилларда СССР Фанлар академиясининг Тилшунослик институти аспирантурасида проф. Э. В. Севортян раҳбарлигида таҳсил кўрди. 1961 йилда эса «Категория залога в узбекском языке в сравнительно-историческом освещении» деган мавзуда кандидатлик диссертацияси ёқлади.

Олим 1961—64 йилларда Ўзбекистон ССР Фанлар академиясининг А. С. Пушкин номидаги Тил ва адабиёт институтида катта илмий ходим бўлиб ишлади; 1964—65 йилларда эса Венгрияда академик Ю. Ф. Немет, академик Л. Лигети, проф. К. Цегледи, проф. А. Бодроглигети каби таниқли туркологлар раҳбарлигида «Эски ўзбек тилининг XIV аср хоразм ёдгорликлари тили» номида докторлик ишини ёзди, уни 1967 йилда муваффақиятли ҳимоя қилди.

Э. И. Фозилов 1968—69 йиллардан буён Ўзбекистон ССР Фанлар академиясининг А. С. Пушкин номидаги Тил ва адабиёт институтида «Алишер Навоий асарлари тилининг луғатини тузиш» группасига ва ўзбек тилининг тарихий-этимологик луғатлари секторига раҳбарлик қилмоқда. Ҳозир олим институт Илмий советининг ҳамда Ўзбекистон Фанлар академияси Ижтимоий фанлар бўлими қошидаги Катта Илмий советнинг аъзоси, айни пайтда институт қошидаги «Совет даврида миллий тиллар тараққиётини ўрганиш» номидаги проблема совети раисининг ўринбосари ва инфор­мацион группанинг бошлиғи ҳамдир.



Олимнинг илмий фаоляти кўпроқ эски ўзбек тилини ўрганиш билан боғлиқдир. У бу соҳада 160 босма листга яқин иш эълон қилган. Булар орасида «Ўзбек тилининг тарихий морфологияси» номли монографияси, икки томдан иборат «Эски ўзбек тили. XIV аср Хоразм обидалари» номли луғати, «Структуральная грамматика узбекского языка» (Берлин. Немис тилида), «Лексика Кутадғу билиг в древнетюркском словаре» каби мақолалари алоҳида ўрин тутди.

Э. Фозилов буюк адиб Алишер Навоий асарлари тилини ўрганиш соҳасида ҳам самарали меҳнат қилмоқда. Унинг «Қадимги обидалар ва Алишер Навоий тили» номли китоби ва қатор илмий мақолалари фикримизнинг далилидир.

Олимнинг бир қанча текстологик тадқиқотлари ҳам бор; Сайфи Саройининг «Гулистон», Кутбнинг «Хисрав ва Ширин» дostonлари ана шу тадқиқотлар асосида нашрга тайёрланган.

Э. Фозилов мамлакатимизнинг турли шаҳарларида, шунингдек, чет элларда бўлиб ўтган бир қанча илмий анжуманларда— Ленинграддаги IV, V туркологик конференцияларда, Москвадаги туркий тилларни қиёсий-тарихий ўрганиш бўйича симпозиумда (1967), Олмаотадаги қозоқ тили нутқ маданиятига (1969) ва тилшуносликда математик методларни қўллаш масалаларига (1970) бағишланган конференцияларда, психолингвистика бўйича Москвада ўтказилган конференцияда (1970), машина таржимаси бўйича Киевда ўтказилган конференцияда (1970), Тошкентдаги ўзбек тили нутқ маданиятига бағишланган конференцияда (1969) ва Самарқанддаги Алишер Навоий юбилейи муносабати билан ўтказилган илмий сессияда, Венгрия Фанлар академияси қошидаги Шарқ бўлимининг традицион йиллик конференциясида (1965), Берлиндаги Урал-Олтой тилларини ўрганишга бағишланган XII конференцияда (1969) қатнашган.

Эргаш Фозиловнинг илмий ишлари туркий тиллар, жумладан, ўзбек тилининг шаклланиш тарихи, тараққиёт йўллари, эски ўзбек тили грамматикаси, лексикаси тадқиқига, 14—15-аср ёзма ёдгорликларини ўрганишга бағишланган.

Эргаш Фозилов 4 жилдли «Алишер Навоий асарлари тилининг изоҳли луғати» ни (1983— 85) тузувчиларидан бири.

2000 йилда Ўзбекистон Республикаси Фанлар академиясининг аъзоси этиб сайланди.

- 1960**      Феъл даражалари ясовчи аффиксларнинг тарихи. «Ўзбек тили ва адабиёти масалалари» журнаלי, 3-сон, Тошкент.  
О возвратном залоге в узбекском язмке. Известия АН УзССР, Серия обн^ественных наук, 5.
- 1961**      Ўзбек тилида феълнинг орттирма даражаси. «Ўзбек тили ва адабиёти масалалари» журнаלי, 1-сон, Тошкент.  
Машхур турколог-олим (Э. В. Севортян ҳақида). «Ўзбек тили ва адабиёти масалалари» журнаלי, 5- сон (ҳаммуаллифликда), Тошкент.
- 1962**      Ўзбек тилида ишонмоқ, инонмоқ феълларининг этимологияси ҳақида. «Ўзбек тили ва адабиёти масалалари» журнаלי, 1- сон, Тошкент.  
Ўзбек тилида сепкил, тулки, эски сўзларининг этимологияси ҳақида. «Ўзбек тили ва адабиёти масалалари» журнаלי, 5-сон, Тошкент.  
Таникли ўзбек тилшуноси (З. М. Маъруфов ҳақида). «Ўзбек тили ва адабиёти масалалари» журнаלי, 6- сон (ҳаммуаллифликда), Тошкент.
- 1963**      Қадимги ёдгорликларда сон категорияси. «Ўзбек тили ва адабиёти масалалари» журнаלי, 4-сон, Тошкент.  
XIV аср шоири Сайфи Саройининг тили ҳақида. «Ўзбек тили ва адабиёти масалалари» журнаלי, 4- сон, Тошкент.  
О книге Стефана Вурма «Узбекский язык». Журн. «Общественные науки в Узбекистане», 3, Ташкент.
- 1964**      Ценное исследование по староузбекскому языку. Сб. «Научные труды», вып. 229, Востоковедение, Ташкент.
- 1965**      Ўзбек тилининг тарихий морфологияси, I, Тошкент.  
Из истории узбекского язмка. «Тюркологический сборник», 1.  
XIV асрда яшаган шоирларнинг номаълум асарлари (Сайфи Саройи, Хоразмий, Аҳмад Ҳожа ас-Саройи, Мавло Қози Муҳсин, Мавлоно Исҳоқ, Мавлоно Имод Мавлавий, Туғлихожа).  
«Ўзбек адабиёти», Т. V, Тошкент.  
К истории категории залога узбекского языка. Сб. «Исследования по грамматике и лексике тюркских языков», Ташкент.
- 1966**      Староузбекский язык. Хорезмские памятники XIV века.  
Ўзбек тилининг тарихий морфологияси, Т.  
Староузбекский язык, 1-2 – томлар